

**Belma Kapo**  
**Aljoša Čampara**  
**Vibor Handžić**  
delegati u Domu naroda  
Parlamenta Federacije Bosne i Hercegovine

Sarajevo, 5. 9. 2024.godine

**PARLAMENT FEDERACIJE**  
**BOSNE I HERCEGOVINE**  
**DOM NARODA**  
n/r gđin Tomislav Martinović, predsjedavajući

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 05-09-2024			
Org. jed.	Broj	Priloga	Vrijednost
02	-02-	2004	124

**PREDMET: PRIJEDLOG ZAKONA O IZMJENI I DOPUNI ZAKONA O ZDRAVSTVENOM OSIGURANJU– hitni postupak, dostavlja se**

Na osnovu člana 186., a u vezi sa članom 172. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09, 24/20 i 60/24), kao ovlašteni predlagači, podnosimo radi razmatranja i usvajanja **po hitnom postupku, PRIJEDLOG ZAKONA O IZMJENI I DOPUNI ZAKONA O ZDRAVSTVENOM OSIGURANJU.**

Delegati

Belma Kapo

Aljoša Čampara

Vibor Handžić

## **PRIJEDLOG ZA DONOŠENJE ZAKONA PO HITNOM POSTUPKU**

U skladu sa članom 186. stav 2. Poslovnika o radu Doma naroda Parlamenta Federacije Bosne i Hercegovine, smatram da se ovaj zakon mora donijeti po hitnom postupku kako bi se izbjegle štetne posljedice za Federaciju.

**PRIJEDLOG**

**ZAKON**  
**O IZMJENI I DOPUNI ZAKONA O ZDRAVSTVENOM OSIGURANJU**

**Sarajevo, septembar 2024.godine**

## ZAKON

### O IZMJENI I DOPUNI ZAKONA O ZDRAVSTVENOM OSIGURANJU

#### Član 1.

U Zakonu o zdravstvenom osiguranju ("Službene novine Federacije BiH", br. 30/97, 7/02, 70/08, 48/11, 36/18 i 61/22), u članu 82. iza stava 7. dodaju se novi st. 8. i 9. koji glase:

„U skladu sa načelom reciprociteta i u interesu zaštite prava pacijenata, ukoliko se sredstva kantonalnog zavoda u cjelosti ne iskoriste do kraja tekuće finansijske godine, a sredstva federalnog fonda solidarnosti budu nedovoljna za finansiranje propisima definisanog paketa prava, dio prenesenog viška prihoda nad rashodima kantonalnog zavoda može se odlukom Vlade Federacije, uz saglasnost vlade kantona, doznačiti federalnom Fondu solidarnosti.

U interesu zaštite prava pacijenata, ukoliko kantonalni zavod zdravstvenog osiguranja raspolaže finansijskim sredstvima, može preuzeti obavezu finansiranja prava pacijenata iz nadležnosti Fonda solidarnosti pod uslovom da se njihovi pacijenti nalaze na listi čekanja Fonda solidarnosti duže od 30 dana .“.

Dosadašnji stav 8. postaje stav 10.

#### Član 2.

Ovaj zakon stupa na snagu osmog dana od dana objave u „Službenim novinama Federacije Bosne i Hercegovine“.

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

Dragan Mioković

PREDSJEDAVAJUĆI  
DOMA NARODA  
PARLAMENTA FEDERACIJE BiH

Tomislav Martinović

## **O B R A Z L O Ž E N J E**

### **PRIJEDLOGA ZAKONA O IZMJENI I DOPUNI ZAKONA O ZRAVSTVENOM OSIGURANJU FEDERACIJE BOSNE I HERCEGOVINE**

#### **I - USTAVNI OSNOV**

Ustavni osnov za donošenje ovog zakona sadržan je u Poglavlju III član 2. pod b) i članu 3. Ustava Federacije Bosne i Hercegovine.

Prema navedenim odredbama predviđena je podijeljena nadležnost federalne vlasti i kantona u području zdravstva, s tim da;

- federalna vlast ima pravo utvrđivati politiku i donositi zakone koji se tiču ove nadležnosti (član III 3. stav 3);
- kantoni imaju pravo utvrđivati politiku i provoditi zakone (član III 3. stav a.);
- u skladu sa potrebama ovlaštenja u području zdravstva ostvaruju se od strane kantona koordinirano od federalne vlasti (član III 3. stav 1.), pri čemu federalna vlast uzima u obzir različite situacije u pojedinim kantonima i potrebu za fleksibilnošću u provođenju (član III 3. stav 3.).

Ustavni osnov za donošenje ovog zakona sadržan je i u odredbi člana IV.A.20. (1) d) Ustava Federacije Bosne i Hercegovine, prema kojoj je Parlament Federacije Bosne i Hercegovine nadležan za donošenje zakona o provođenju nadležnosti federalne vlasti.

#### **II - RAZLOZI ZA DONOŠENJE**

Obzirom na sve duže liste čekanja pacijenata na lijek ili liječenje u Fondu solidarnosti kao i nedovoljna finansijska sredstva koja su na raspolaganju Fondu solidarnosti kako bi obezbijedili propisanu terapiju ili medicinski tretman za svakog pacijenta, a imajući u vidu da su neki kantoni preko svojih zavoda zdravstvenog osiguranja izrazili spremnost da pomognu svojim osiguranicima neophodno je urediti pravni okvir kojim bismo omogućili kantonima koji žele da pomognu svojim osiguranicima da ostvare pravo na lijek ili liječenje na najbrži mogući način.

#### **III - USKLAĐENOST SA PROPISMA EU**

U vezi sa predmetom regulacije ovog zakona, ne postoje sekundarni izvori prava Evropske unije s kojima bi se zakon mogao usklađivati.

### **ODREDBA ZAKONA KOJE SE MIJENJAJU**

Član 1. – Izmjenom člana 82. na predloženi način propisuje se tačan procenat koji će se izdvajati iz budžeta Federacije Bosne i Hercegovine u cilju osiguranja sredstava federalne solidarnosti. Pored toga, propisuje se, odlukom Vlade Federacije, mogućnost prenamjene viška uplaćenih sredstava kantonalnih zavoda u fond solidarnosti uz saglasnost vlada kantona, kao i mogućnost preuzimanja finansiranja prava pacijenata iz nadležnosti Fonda solidarnosti od strane kantonalnih zavoda pod uslovom da se njihovi pacijenti nalaze na listi čekanja.

Član 2. - Propisuje se stupanje na snagu zakona.